

**ԿՈՄԻՏԱՄԻ ՀԻՇԱՏԱԿԻՆ**

Ա .

Հայրենի երգն ես դու մեր՝  
Վերադարձած հայրենիք :-  
Դեմքիդ տանջանքն է դրել  
Անագորույն մի կնիք :-  
Եվ հանճարի հեռակա  
Հուրն է հանգչում ճակատիդ ,  
Ինչպես մարող ճառագայթ  
Արարատի գագաթին : -

Բ .

Հայրենի ե՛րգն ես դու մեր  
Հալածական , ինչպես ամպ ,  
Որ քամիներն են ցրել  
Եվ տարիներն ապստամբ :-  
Ժողովրդի հանճարեղ  
Սրտով երկնած ձայն ու շունչ ,  
Որ բարբառել էս դարեր  
Օտարության մշուշում :

Գ .

Առանձին ձայնն է ինչպես  
Դառնում հնչյուն հայրենի -  
Դաշնութեան մեջ լոկ հնչեղ  
Հայրենական ձայների , -  
Այդպես մեր հին դաշնության  
Ով մարգարե տարագիր , -  
Դու գտանում ես ահա  
Ե՛վ ժողովուրդ , և՛ երկիր :

Դ .

Հայրենի երգ մեր վսեմ ,  
Հազարամյա՛ մեր հանճար , -  
Լոկ ժողովո՛ւրդն է հյուսել  
Քո դաշնությունը պայծառ , -  
Քեզ ժողովո՛ւրդն է խոնարհ  
Տառապանքով իր ծնել ,  
Իր աւյունով պահել վառ ,  
Իր ոգու մեջ ընդունել ...

Ե .

Քեզ ժողովո՛ւրդն է չարքաշ  
Իր բոբբ շնչով տվել շունչ , -  
Ո՛չ մի իշխան կամ արքա  
Քեզ չի՛ պահել իր նաշում :-  
Թեէ՛ հայրենի , թե՛ օտար  
Տիրողների համար միշտ  
Եղել էս - ձա՛յն որոտան ,  
Եվ հա՛ր օտար , և ուրի՛շ :-

Զ .

Դու աշխատա՛նքն ես երգել  
Եվ քրտինքը մաճկալի , -  
Անջու՛ր հանդեր ու հերկեր ,  
Սիրո երգեր անձկալի ...

Դու պանդուխտի տարագիր  
Սիրտն ես երգել կարոտող՝  
Անհայրենիք արագիլ՝  
Կապված հուշի նարոտով : -  
Է .

Հնչյուններ ես հավաքել  
Հենքի համար քո երգի  
Դու՛ հանդերից մահաբեր  
Հայրենական եզերքի , -  
Եվ հայրենի հանդերի  
Մրմունջներից չմարող  
Հյուսել ես երգ անթերի  
Սերունդների համար նոր : -  
Ը .

Դու երգել ես միայն ճորտ  
Ժողովրդի համար մեր  
Երգեր՝ կյանքի նման խոր  
Եվ գրկանքի նման վեհ :-  
Եվ երգերում քո անհուն -  
Ժողովրդի սրբազան  
Մե՛րն է միայն վեհանում  
Եվ աշխատանքը դաժան :-  
Թ .

Դու երգել ես միայն բորբ  
Ժողովրդի սրտում մեր  
Վառվող ցնորքն անհողորդ՝  
Իր գալիքի մասին վեհ :-  
Հայրենիքի՛ մասին նոր ,  
Կյանքի , որ հաշտ ու ազատ -  
Ծնվելու է արյունով  
Եվ զոհերով սրբազան .. .

Ժ .

Քո ժողովո՛ւրդն է խոնարհ  
Քո երգերում անրջել՝  
Իր կյանքի տենչն անհնար  
Եվ սիրո շունչը հնչեղ :-  
Խաղաղությունն հաշտ ու սուրբ՝  
Տանիքների վրա մեր , -  
Եվ սիրո խոսք ու շշուկ ,  
Հասկերի երգ ու համերգ .. .

ԺԱ .

Մեղմ՝ կարկաչում էր քո ջերմ  
Երգը՝ երկրում մեր անշող -  
Տանիքների վրա մեր

Եվ սրտերի դողանջող :  
Կարկաչում էր նա հուշիկ ,  
Մինչև խորշակն այն դաժան  
Հուշ դարձրեց ու փոշի  
Երկիր ու երգ սրբազան .. .  
ԺԲ .

Քեզ չմնաց անգամ քո  
Հայրենի հող կոչող սև  
Այն հեռաստանն արնակոխ  
Որ քո ցնորքն էր լուսե :  
Քեզ չմնաց անգամ ժանտ  
Այն արեգակն հայրենի ,  
Որ ավելի ' էր դաժան ,  
Քան թշնամին վայրենի ...  
ԺԳ .

Քեզ չմնաց անգամ քո  
Գորշ ժողովուրդն այն չարքաշ ,  
Որ , ինչպես եզ գլխիկոր ,  
Տքնում էր լուռ ու չարքաշ ,-  
Սև գրկանքում մտորող  
Քո ժողովո՛ւրդն անգամ հեզ ,  
Որ լոկ հացի ու սիրո  
Հոյզերո՛ւ վ էր սնում քեզ .. .  
ԺԴ .

Քո ժողովուրդը չարքաշ ,  
Հազարամյա գրկանքով ,  
Հազա՛ր սրով զարկած հար՝  
Մարտիրոսյա լ իր կյանքով –  
Իր եզերքում հայրենի  
Հազիվ գտած հող մի բուռ –  
Քշվե՛ լ է հար իր բնից ,  
Իր խրճիթից ընդհանուր .. .  
ԺԵ .

Քեզ չմնաց անգամ քո  
Հայրենիքում դեռ աճած՝  
Մի բուռ ցնորք , մի խուրճ խոտ  
Կամ թոնիրում թխած հաց ...  
Գերի երկրում քո անթով  
Անգամ մի մա՛յր , որը քեզ  
Մնե՛ր անգին իր կաթով  
Եվ հավատով իր փրկեր .. .  
ԺԶ .

Չար ուրազան մի շաչող ,  
Դաժան մրրիկ մի ահեղ –  
Քշեց շյուղի նման չոր ,  
Հողմի նման խելահեղ ,-  
Եվ տերևներ ինչպես հին՝  
Ծառից ընկած ու անկյանք –

Քշեց երախը մահի  
Թե՛ մայրերին , թե՛ մանկանց ...

ԺԷ .

Զարհուրելի եռանդով ,  
Ինչպես քաղցած մի գազան –  
Սրբեց կամքով մի քանդող  
Երկիր ու տուն սրբազան ...  
Լափեց եզերքը քո հին՝  
Ե՛վ ժողովուրդ , և՛ վաստակ ,  
Եվ անապատ ամայի  
Դարձավ երկիրն Հայաստան ..

ԺԸ .

Ինչպես գրքից պոկված թերթ ,  
Կամ չորացած արտի շյուղ ,  
Նետված հողմով այն անեզր  
Մահվան քամուն ու փոշուն ,  
Դու՛ հանճարի նման մեր՝  
Հագարամյա ուրվական  
Դարձար տերն մահամերձ ,  
Քշված ոգի ու վկա ..

ԺԹ .

Հողմով տարված ինչպես շյուղ , -  
Ուղիներում դու տեսար  
Հրաճարակ կյանք ու խուղ ,  
Եվ ժողովուրդ հրկիզած :-  
Ինչպես մահո՛ւ մանգաղով , -  
Տեսար գյուղե՛ր դու հնձած , -  
Այս ժողովո՛ւ ւրդն էր քո ողջ ,  
Որ քեզ սվեց երգի ձայն ..

Ի .

Եվ արդեն խո՛ւ դարձած հողմ ,  
Խուղերի ծուխ ու փոշի՝  
Քշված ձեռքով անողորմ  
Զարհուրելի մի ուժի , -  
Խելակորույս քո ոգին  
Դո՛ւրս շարտվեց երկրից հար , -  
Եվ թափառեց տարագիր ,  
Իբրև մեռա՛ծ երգի բառ :

ԻԱ .

Վիթխարի եզ մի ինչպես՝  
Սովից տոչոր՝ հանկարծ գա ,  
Լիզե մի ողջ ոսկի դեզ  
Եվ չթողնի հե՛ տք անգամ , -  
Այդպես աղետն այն զարհուր  
Անցավ բարձրիկ քո դաշտից , -  
Եվ դաշտն ամբողջ դարձավ մու՛ր ,  
Ինչպես արտը երաշտից :-

ԻԲ .

Հալածակա՛ն , որպես քո

Ո՛ր ժողովուրդն այն պահին –  
Խելակորույս քո ոգով  
Չտրվեցի՛ր դու Մահի ...  
Ո՛չ,- չմեռա՛ր այնժամ դու ,  
Այլ սարսափից խելագար՝  
Երազեցիր դառնալ տուն ,  
Որ աշխարհում էլ չկար ...  
ԻԳ .

Եվ՝ սարսափից խելագար  
Ե՛վ գզգզված , և՛ բոկոտն  
Մահվան սքեմ դու հագար  
Եվ սնվեցիր քո ոգով :-  
Բայց քո ոգին չքամեց  
Եվ չէ՛ր կարող քամել ժանտ  
Այն զոհերի մեծամեծ  
Արյունը սուրբ ու անչափ ...  
ԻԴ .

Անհնարին էր , վարպետ ,  
Որ քո ոգին ստեղծող  
Հղիանա՛ր ու արբեր  
Ավյունով ժանտ ու խոցող ...  
Անհնարին էր , որ քո  
Երգի ոգին հանճարեղ  
Նայիրական իր երգով  
Այնժամ երգեր մի արև ...  
ԻԵ .

Անհանգրվան , ինչպես նոր ,  
Հալածական Արքա – Լիր՝  
Սրտում քո՝ սո՛ւրբ մի ցնորք՝  
Անէացած մի երկի՛ր , -  
Զգեցած մահ ու սարսափ ,  
Տեսած և՛ ահ , և՛ դժոխք , -  
Ինչպես կարող էր անսալ  
Ոգին քո կյանք ու ցնորք ...  
ԻԶ .

Քո հին սրինգը գրկած ,  
Իբրև մանուկ մի ազատ ,  
Որ դեռ պահում է երգած  
Երգերիդ շունչն հարազատ , -  
Քո այդ եղեգն երգեցիկ  
Հեռու ավեր դու տարար ,  
Բայց դու երբեք չերգեցիր  
Նրանով – ե՛րգ փրկարար ...  
ԻԷ .

Անհանգրվան տարվեցիր  
Երկրից – երկիր , որպես մերկ ,  
Անհայրենիք մուրացիկ ,  
Որ հացի տեղ – ունի ե՛րգ :-  
Բայց չլսեց ոչ ոք քեզ ,

Քեզ ոչ մի սիրտ չգրած , -  
Միայն քամին մորմոքեց ,  
Միայն անձրևն իջավ ցած ...  
ԻԸ .

Եվ ափերում այն օտար ,  
Ուր քեզ նետեց հողմը սև –  
Դու ունկնդիր չգտար ,  
Իսկ պատահմամբ թե լսեց  
Քեզ մի անցորդ կամ մոլոր  
Մի ուղևոր ահաբեկ , -  
Տեսար , որ նույն հողմերով  
Քշվածներ են նրանք հեք ...  
ԻԹ .

Նրանք՝ իրենք – տարագիր ,  
Իրենք՝ և՛ որբ , և՛ անճար –  
Ունկնդրում են քո երգին ,  
Որ երագեն ու տենչան , -  
Որ՝ բռնելով քո թելից  
Իրենց սրտով կարոտող  
Դառնան երկիրն այն էլի ,  
Գոնե հուշով փարատող ...  
Լ .

Ինչ պիտի տար սրտին քո ,  
Քո հանճարին որբացած  
Նրանց անհող արցունքով  
Ցողված ոգիդ նրբաձայն ...  
Հեռու երկրից քո այն վառ ,  
Ժողովրդից դարձած հուշ –  
Ո՞նց քո ոգին որոտար  
Կարոտանքից նրանց ուշ ...  
ԼԱ .

Որքան էլ պիրկ նա լիներ՝  
Ստեղծագործ քո ոգին –  
Ո՞ր դաշտերում նա հիներ  
Երգն իր անմահ մորմոքի ...  
Ա՛խ ծաղկի սերմն՝ հայրենի  
Հող չի՛ հաճախ ճանաչում , -  
Բայց սե՛րմն հոգու – միայն իր  
Հայրենիքում է աճում ...  
ԼԲ .

Ամայացա՛ւ քո ոգին ,  
Ինչպես անջուր հանդի հող ,  
Եվ մազերին քո չոքեց  
Ձմեռ ու ձյուն անողոք :-  
Եվ գետնահար , որպես ծառ՝  
Պոկված հողմով կատաղի –  
Բեկվեց ոգին քո պայծառ՝  
Առանց բույրի ու շաղի :-

ԼԳ .

Քո հեռավոր երկրի ջեռ  
Արոտների նման ա՛յն ,  
Որ դարձրեց սև մի ձեռք  
Հերկ՝ խորշակյալ և ունայն , -  
Խորշակյալ դաշտ դարձավ չոր  
Այդպես ոգի՛ն քո հնչեղ ,  
Որ ո՛չ արև կենսաշող ,  
Ոչ յուսի շող չչնչեց : -

ԼԴ .

Հո՛ղ ցանեցիր ու մոխիր  
Քո մազերին գառամյալ , -  
Եվ՝ հալածված ոսոխից՝  
Երազեցիր միայն մահ ...  
Զառանցանքի մէջ զարհուր  
Երազվեցին քեզ հեռվից -  
Հրդեհ ու ջարդ ընդհանուր  
Եվ գլխատում արևի ...

ԼԵ .

Ապա խավար իջավ խոր  
Եվ հանճարեղ քո ոգում  
Փռվեց գիշեր ու ժխոր ,  
Եվ մտքի մուժ բորբոքուն . -  
Եվ տարինե՛ր անցան սին ,  
Եվ քո ոգին խելագար  
Կիզվեց հուրո՛վ այն զագիր ,  
Մինչև գիշեր վերջին գար : -

ԼԶ .

Ո՛վ հարենի մեր երգի  
Հրե հանճար տառապած ,  
Դու չտեսա՞ր քո երկրի  
Արշալույսը փառապանծ ...  
Իբրև աճյուն դու եկար ,  
Իբրև մեռա՛ծ տարագիր , -  
Հին դաշնության դու վկա  
Եվ առաջին քարակիր ...

ԼԷ .

Անհանգրվան , ինչպես մի  
Տերև , պոկված իր ծառից՝  
Քեզ վտարեց մի քամի  
Քո հայրենի աշխարհից , -  
Եվ քո ոգում՝ հայրենի  
Հուշն արյունով նա նշեց -  
Զառանցանքով արյունի՝  
Հորդած կարմիր մի գիշեր ...

ԼԸ .

Ճի՛շտ է վարպետ : - Քո ոգուն  
Իջած մուժի՛ն նման մառ -  
Եվ հալածող մահաթույն ,

Եվ խավարի պէս խավար , -  
Այն օրերում մեր երկրի ,  
Մեր աշխարհի ' վրա ողջ -  
Իջել էր սե ' ւ ավերքի  
Զարհուրելի մոայլ քո ' դ ...  
ԼԹ .

Այն օրերին արդէն մեր  
Ողջ աշխարհում համարյա '  
Նստե ' լ էր սև , ինչպէս նեռ ,  
Մեր սև ոսոխն հնօրյա , -  
Ինչպէս բերքի տեղ հանդի '  
Հնձեն թուփեր վարդենի , -  
Այդպէս մահու գերանդին  
Հունձն էր արել արդէն իր : -  
Խ .

Ո ' դջ աշխարհում արդէն մեր ,  
Ծայրեհծայր համարյա  
Կենդանի հունտ էր ինչ դեռ  
Պարտեզներում հնօրյա  
Եվ ' ամենից առաջ ' ինչ  
Բողբոջ ու ծի ' լ էր ոգու '  
Որ շյուղ անգամ էլ չաճի -  
Հնձել էր ձեռքն ահարկու :-  
ԽԱ .

Վերջին հողի վրա լոկ ,  
Վերջին քարին հայրենի ,  
Ցցված կղզու նման շող  
Օվկիանում արյունի , -  
Վերջին քարի վրա այդ ,  
Դեռ մնացած անողող '  
Զառանցում էր հուսահատ  
Մեր ժողովուրդը ' դեռ ողջ  
խԲ .

Զառանցում էր կիսամեռ  
Ժողովրդի մեր մի բուռ  
Մնացորդը , որ չունէր  
Էլ փրկության կարծես դուռ :-  
Հորդաններով ամեհի '  
Շրջապատված ու ողող '  
Տերն էր նաև " հայրենի "  
Քշում անդունդն անողոք ...  
ԽԳ .

Ինչպէս մարդկանց նավաբեկ '  
Կառչած լաստին մոտեցող -  
Ծովահենն է հրում լերկ  
Մոլեգնությամբ դեպի ծով . -  
Ժողովրդի ինչպէս մեր  
Բեկորները այդ չնչին . -



“ Հայրենական ” տերն էր դեռ  
Հրում անդունդը վերջին .. .

ԽԴ .

Փորձանքներից հարատև  
Արդեն կորած , անուղի ,  
Այդ շուղն անգամ մահամերձ  
Ժողովրդի ու հողի , -

“ Իր ” տերերի ձեռքով սև ,  
Որպես դիակ՝ կրծքին քար –  
Պիտի սուզվեր վերջապես , -  
Թե փրկությունը չգար ...

ԽԵ .

Բայց փրկությունը եկավ  
Խոր խավարում , ինչպես լույս  
Արեգակի հեռակա ,  
Որ ճառագում է վերուստ ...

Որպես հրա՝ շք նա եկավ ,  
Որպես որո՝ տ շառաչեց ,  
Խնդությունից խելագար ,  
Մի փրկչի՝ պես փառաճեմ .. .

ԽԶ .

Մեզ հայրենի տվեց հող ,  
Հերկ՝ ձեռքերով մեր հերկած ,  
Դաշտ՝ արգանդում իր պահող  
Հանճարի հունտն արևկա ,  
Հանճարի հուրը այն որբ ,  
Որ դարերից մինչև մեր  
Այս օրերը հրաբորբ  
Երզն է երկնել մեր անմեռ .. .

ԽԷ .

Եվ եզերքում մեր նորոգ ,  
Հայրենիքում ահա մեր  
Արդ ողջունում ենք սիրով  
Քո վերադարձը վարպե՛ տ :-  
Իր տարագիր հանճարի  
Վերադարձն է տոնում արդ  
Ժողովուրդը քո արի  
Հայրենիքով իր անպարտ :-  
ԽԸ .

Հագարամյա ճորտ անհող  
Իմ աներկիր ժողովուրդ ,  
Էլ չկա քեզ կործանող  
Ոչ մի դժնի , խեղդող ցուրտ . -  
Եվ հնամյա իր երգով  
Գիրկն է դառնում քո անմահ –  
Ահա քո շուրջը երգող  
Քո ձայնապետը անմահ :-

ԽԹ .

Վերադարձել է ահա

Քո հայրենիքը ազատ ,  
Մեռած սրտում քո պահած  
Նրա փոշին սրբազան .  
Գուրգուրեցի ը այն խավար  
Զառանցանքում քո անդուռ ,  
Բայց չբացվեց քեզ համար  
Դարձի շավիղ դեպի տուն .. .  
Ծ .

Հալածական երգ մեր հին ,  
Հանճարեղ ձայն դու մեր որբ ,-  
Դեմքիդ կնիքը մահի ,  
Բայց միշտ անմահ ու միշտ բորբ .-  
Չորս ծայրերում աշխարհի  
Ինչքան եղար դու խաչված ,  
Մինչ հայրենիք դառնայիր`  
Նոր պայքարում նվաճված .. .  
ԾԱ .

Օ՛ , հնամյա դու մեր յույս`  
Ոգու զրույց դու մեր հին ,  
Որքան զրկանք ու կորուստ  
Եվ լուսե գոհ մենք բերինք –  
Մինչ այս դարձի համար քո ,  
Ե՛՛ վ հայրենի , և՛՛ ազատ –  
Այլ պայքարով ու երգով  
Հիմնեցինք հող հարազատ : –  
ԾԲ .

Եվ չգիտեմ ես՝ արդյոք  
Կա՞՞ աշխարհում մի այլ երգ ,  
Որ քո երգի նման խոր ,  
Եվ արնաթոր , ինչպես վերք –  
Ժողովրդի սրտում իր  
Տարիներով որբացած  
Լինի այնքա՛ն մտերիմ ,  
Որքան ուղին՝ նոր բացած :  
ԾԳ .

Եվ չտեսար , ո՛՛ վ երգիչ ,  
Այս հայրենիքը նորոգ ,  
Որն իբրև մայր ամոքիչ  
Արևային իր սիրով  
Բուժեր քո սիրտը խոցված  
Սև տեգերով անցյալի ,  
Դափնեպսակ դներ պարզ  
Քո ճակատին պանծալի :  
ԾԴ .

Իբրև աճյուն դու եկար  
Քո հայրենիքը , որ քեզ  
Հուշ էր թվում սրբացած ,  
Մեռած զրույց , որ որպես  
Արդեն անդարձ , կորած հեք ,

Ննջած մի այր՝ դրած հող , -  
Չի՛ բարձրանա էլ երբեք ,  
Որ արևի ըմպե շող .. .  
ԾԵ .

Արդյոք կարո՞ղ էր քո սուրբ ,  
Բեկված հոգին երագել ,  
Որ դառնալու ես մի օր  
Քո հայրենիքը վսեմ ,  
Որ պիտի շուրջդ բուրի  
Սերն ու գգվանքը մեր այս  
Եվ Չարենցը համբուրի  
Քո շրթունքները մեռած .. .  
ԾԶ .

Բայց հայրենի երկրում քո ,  
Մայր քաղաքում նրա հին ,  
Պատվանդանի վրա նոր  
Եվ սրտերի վրա հիր՝  
Ահա մարմինը քո սուրբ ,  
Իբրև մասունք զմռսած՝  
Բարձրացել է վեհաշուք  
Եվ բարձաբերձ՝ իբրև սար ...  
ԾԷ .

Սեր է բերել և գորով  
Քո ժողովուրդն ահա քեզ –  
Քո հնօրյա երգերով  
Օրորելով սիրտդ կեզ . -  
Սիրտդ տանջանք տեսած լոկ  
Եվ չարչարանք կրած հեզ , -  
Ահա քեզ փառք երգելով՝  
Այնքան հպարտ ենք արդ , տե՛ս ...  
ԾԸ .

Կարոտով խոր իբրև վերք  
Եվ երկյուղով սրբազան –  
Խոնարհվել եմ ահա ես  
Աճյունիդ դեմ երգաձայն , -  
Սիրտն ու հոգին իմ ահա  
Նույն ափսոսանքն են հորդում՝  
Օ՛ , իմ անդարձ ննջած հայր ,  
Որ չտեսար քո որդուն .. .  
ԾԹ .

Կարծես տեսել եմ ես քեզ ,  
Մանկությունից մինչև մահ  
Դեզերել եմ կարծես ես  
Ուղիներում այն ամա , -  
Բռնած քո ձեռքը դողդոջ ,  
Հանուն ջրի ու հացի՝  
Դեզերել եմ որպես գող՝  
Կույր իմ հոր հետ մուրացիկ .. .

Կ .

Այդպես բռնած ձեռքը ծեր  
Հալածական իմ հոր՝ ես  
Հաց եմ լեղի մուրացել  
Հեռուներում աղեկեզ .-  
Ցուրտ բակերում ժամերի  
Հիվանդ հոր հետ իմ պառկած՝  
Երազել եմ ես մեր հին  
Տունն հեռավոր , ինչպես հաց ...

ԿԱ .

Եվ հեռավոր մի ժամի  
Պատերի տակ ցրտահար՝  
Ես առաջին անգամ ինձ  
Երջանիկ եմ տեսել , հա՛յր :-  
Հա յր , առաջին անգամ ես  
Կյանքում ժպիտ տեսայ քո  
Շրթունքներին , երբ որ քեզ  
Մի բաժակ թեյ տվի գոլ .. .  
ԿԲ .

Հետոյ փակել եմ հոգնած  
Քո աչքերը՝ ընկած խոր , -  
Եվ քարերին այն պառկած՝  
Ննջել կողքին մեռած հոր :-  
Առավոտյան իմ մռայլ ,  
Իմ մեռած հոր դեմքին ցուրտ –  
Երանության անայլայլ  
Ժպիտն էր նույն հանգչում լուրթ ... .  
ԿԳ .

Եվ հողմերին հեռավոր  
Տալու մարմինը քո հայր ,  
Կարո՞ղ էի ես արդյոք  
Զառանցանքում անգամ վառ –  
Օ՛ , երազել անգամ լույս  
Վերադարձիդ մասին այս , -  
Որ հայրենիք ես գալու ,  
Իբրև աճյուն գմռած ...

ԿԴ .

Մի թե՛ իրօք դու այն բիրտ  
Ծերունին չես ննջած հար ,  
Որ անունով միայն իր  
Կոմիտաս չէր , այլ Աբգար :-  
Ինչպես մեռած մարգարե  
Քարաքանդակ իր նաշում ,  
Մի թե՛ դու չես երկարել  
Այն իրիկվա մշուշում ...

ԿԵ .

Եվ մատները այն դողդոջ ,  
Մոմէ մատներն այն բարակ ,  
Որ փակեցին մի օր քո

Հոգնած կոպերն անկրակ՝  
Չէի՞ն արդյոք այն իմ խեղճ  
Մատները որք՝ դեռ գերի  
Նվագների տրտմաշեշտ  
Եվ Տերյանական երգերի ...  
ԿԶ .

... Իբրև մեռած մարգարե՝  
Պառկել էր նա այդպես միշտ .  
Դեմքը մի քիչ երկարել  
Եվ խաղաղվել էր ընդմիշտ :-  
Իսկ անդազադ նրան երբ  
Իջեցրինք գերեզման –  
Խաղաղությամբ նայեց վեր  
Եվ արքայի էր նման ...  
ԿԷ .

Եվ վայրկյանին ահա այդ ,  
Երբ որպես սուրբ մի նաշից ,  
Արքայական վեհությամբ  
Նայեց նա խեղճ իր փոսից , -  
Ես հասկացա , որ այդ խիստ ,  
Այդ մռայ մարդն աշխարհում  
Բարի մի հայր էր միայն  
Եվ տխրությունն էր սիրում ...  
ԿԸ .

Այն տխուր մարդն էր , որ իր  
Մռայլ տեսքի տակ ուներ  
Մի անսահման սիրող սիրտ  
Եվ երազի հեռուններ , -  
Որ ահաբեկ իր կյանքում  
Ոչ մի անգամ չժպտած ,  
Բայց գիտեի , որ հոգում  
Ունի հուրեր մշտակայծ ...  
ԿԹ .

Տխուր մի մարդ էր նա լոկ  
Եվ երազող ուներ սիրտ ,  
Ուներ ոգի համբերող , -  
Դեմքն էր նրա միայն բիրտ :-  
Դեմքն էր նման փականքի ,  
Որ նա երբեք չբացեց . -  
Ահաբեկվել էր կյանքից  
Եվ գրկանքից քարացել :  
Հ .

... Ո՛չ մի անգամ չժպտաց  
Նա հոգնատանջ իր կյանքում :-  
Տեսա ամպի պես մթնած  
Ես նրա դեմքը մանկուց :-  
Գոց մնաց դուռն երկաթե  
Մինչև վայրկյանը մահվան , -

Եվ միայն մայրս գիտեր ,  
Որ այնտեղ սերն է պահված :  
ՀԱ .

... Չհամբուրեց աշխարհում  
Զավակներին նա երբեք , -  
Եվ ժամերով նստած լուռ`  
Չպատահեց , որ արբեր :-  
Մարդու հանդեպ չարացած`  
Ո՛չ խոհերի , ո՛չ հացի  
Նա չունեցավ բարեկամ ,  
Լռությունից իր բացի :  
ՀԲ .

... Եվ տարիներ միայն վերջ`  
Արդեն բեկված , արդեն լուրջ`  
Նոր հասկացա միայն ես ,  
Երբ նրա պես դարձա լուռ –  
Որ երգերում բոլոր իմ  
Եվ խոհերում այնքան վեհ`  
Ինչ կա անհուն ու խորին ,  
Այդ միայն ն՛ա է տվել ...  
ՀԳ .

... Որ իր ամբողջ կյանքում լուռ  
Ի՛նչ չէր վատնել նա երբեք ,  
Ի՛նչ չէր այրել իբրև հուր  
Եվ չէր երգել իբրև երգ , -  
Երազներում իր տխուր ,  
Պահած անգամ իրենից . -  
Թաքցրել է այնքան խոր ,  
Որ իբրև գանձ բաշխի ինձ ...  
ՀԴ ..

Կա տառապանք անվեհեր  
Նայիրական քո դեմքին`  
Խոհն աշխարհի այն ավեր ,  
Շողն հանճարի աներկիր ...  
Նա էր այդպես պառկել վեհ  
Մի օր հողե իր փոսում –  
Որպես վկա հանճարեղ`  
Հազարամյա մի նաշում ...  
ՀԵ .

Եվ հիրավի՛ .- դու անմահ  
Հայրն ես երգի մեր համայն ,  
Որ տարագիր գտած մահ  
Տուն ես դարձել արդ միայն :-  
Դու թաղվելու ես եկել  
Երկրում քո նոր , որ արդեն  
Դարձել է հաշտ ու հզոր  
Եվ քեզ բերում է վարդեր ...  
ՀԶ .

Կարդում եմ ես քո հոգնած ,

Մագաղաթյա կոպերին  
Եվ ճակատի վրա բարձր –  
Մտերմություն մի վերին :-  
Նույն մտորումն ու անհուն  
Նայիրյան խոհն հարազատ , -  
Նույն երազանքն անանուն`  
Հազարամյա ` երազած :-  
ՀԷ .

Ճգնավորի դեմքով ծեր`  
Մարտիրոսի դեմքով սուրբ , -  
Օ´ , ուրվական դու վսեմ ,  
Թափառական մեր Հիսուս , -  
Ճգնավորի ճակատով  
Եվ մորմոքով վկայի`  
Նո՛ր ես հառնում ահա դու  
Իբրև վկա ներկայի ...  
ՀԸ .

Օ´ , վարդապետ անվեղար ,  
Որ վայրերում վրդովիչ  
Ձայնի հովի ` վ լոկ եղար`  
Ձեռքիդ սրինգ մի թովիչ :  
Դու աղոթքի փոխարեն  
Ձայն խնկեցիր միայն վեհ –  
Դեպի երկինք , որ բյուրեղ  
Ժողովրդիդ սիրտն էր մեծ ...  
ՀԹ .

Ո՛վ Նայիրյան հանճարի  
Հազարամյա դու տեսիլ , -  
Որքան զրկանք ու չարիք  
Դու աշխարհում կրեցիր , -  
Մարտիրոսյալ հավիտյան ,  
Որպես անհող մարգարե –  
Դու հանգրվան չգտար  
Կյանքում – դարեր ու դարեր : –  
Չ .

Եվ միայն արդ , Նահպե ` տ ,  
Գիսախոռով , կորացած ,  
Հազարամյա հոգնաբեկ  
Թափառումից քո դարձած`  
Պիտի հառնի շողշողուն  
Հանճարիդ հուրն այգաբեր , -  
Եվ խոր հանգչեն մեր հողում  
Քո ոսկորներն հոգնաբեկ ...  
ՉԱ .

Իբրև աճյուն դու դարձար  
Քո հայրենիքը ազատ , -  
Իբրև մասունք մի պայծառ ,  
Իբրև նշխար հարազատ , -  
Եվ հայրենի քո հողում ,

Հին հանճարի իբրև սերմ՝  
Կբարձրանա՝ նա բեղուն ,  
Երկրիդ ցողով ցողված ջերմ :-  
ՁԲ .

Իբրև աճյուն դու դարձար , -  
Բայց հայրենի երկրում քո  
Հանճարիդ հունտն հրացայտ  
Կբարձրանա՝ նոր բերքո՝ վ :-  
Բեղմնաւորված սրբազան  
Քո աճյունով և անեզր  
Արեգակով մեր կիզած՝  
Հողն հազար ծի լ կտա մեզ :  
Ձ .

Մե՛ծ ցնծություն է հիմա  
Մեր սրտերում , ո՛վ երգիչ :-  
Տոնն է երգի իր անմահ  
Տոնում հառնած մի երկիր :-  
Դարձի համար քո այս վեհ ,  
Վերադարձի քո անմահ –  
Կյանք ենք կերտել արդեն մենք  
Ե՛վ արևոտ , և՛ անմար :  
ՁԴ .

Վերադառնա՛ն պիտի դեռ  
Հազա ր սրտեր տարագիր ,  
Զարհուրելի հեռուներ  
Տարված հողմով հարաբիրտ :-  
Իբրև սրտե՛ր կենդանի ,  
Իբրև աճյուն կամ մասունք –  
Սրտեր քանի՛ , դեռ քանի՛ –  
Հողն են իրենց երագում ...  
ՁԵ .

Վերադառնա՛ն պիտի դեռ  
Հայրենի հողը բուրյան՝  
Իբրև նորո՛գ երկրի տեր՝  
Ե՛վ Թումանյան , և՛ Տերյան :-  
Շիրիմներից իրենց որբ  
Իրենց դարձին են նայում  
Ե՛վ Դուրյանի սիրտը բորբ ,  
Ե՛վ Մեծարենցն հմայուն : –  
ՁԶ

... Միջագետքից – Օրենբուրգ ,  
Հելեսպոնտից մինչև Վան , -  
Ո՛ր աշխարհում արդյոք սուրբ  
Չկա մասունք Նայիրյան ...  
Ո՛ր ավիերով աշխարհի  
Քո մերկ ոտքերը չանցան , -  
Օ՛ր , նայիրյան հանճարի  
Հազարամյա Սերմնացան ...



ՁԷ .

Պիտի դառնան դեռ հերթով  
Տարագիրներն այդ անթիվ , -  
Որ աճյունով կամ սրտով  
Դառնան աղբյուր եռանդի :-  
Կենդանի սիրտ , թե աճյուն –  
Իբրև հունտեր հանճարեղ ,  
Բեղմնաւորե՛ն պիտի սուրբ  
Հայրենի հողն այդ իրենց : –  
ՁԸ .

Իսկ դու՛ , ոգի՛ երգի մեր ,  
Վերադարձած արդեն տուն , -  
Օ , սրբազա՛ն բերքի պես  
Ընդունեց սիրտը խնդուն , -  
Ցնծությունից խելագար  
Ժողովրդի սիրտը քեզ . -  
Իբրև աճյուն դու եկար ,  
Բայց իբրև կյանք ընդունեց :-  
ՁԹ .

Ինչպես երգերը քո ջերմ ,  
Ժողովրդի սիրտը մեծ  
Իբրև բարիք , իբրև սերմ  
Մի ոգեղեն ընդունեց , -  
Քեզ կընդունե այդպես հար  
Հայրենի հողն արդարև –  
Ե՛վ քո աճյունը արդար ,  
Ե՛վ քո ոգին հանճարեղ : –  
Ղ .

Թո՛ղ ամոքվի վերջապես  
Հազար սրով զարկած խոր –  
Միտող հողում մեր հրկեզ ,  
Որպես գրկում սիրած մոր :-  
Որպես վսե՛մ ողջակեզ՝  
Հոգնած աճյունը քո թո՛ղ  
Գտնի հանգի՛ստ վերջապես –  
Եվ հայրենի դառնա հող .. .  
ՂԱ .

Եվ հայրենի այդ հողից ,  
Չանցած զարուն մի քանի –  
Կելնեն շքե՛ղ և ուղիղ  
Երգի շյուղե՛ր կենդանի :-  
Եվ շշունջում գեղեցիկ ,  
Հնչեղ երգում նրանց խոր –  
Կապրի հանճարը քո ջինջ՝  
Անմահ երթի՛ ելած նոր .. .  
ՂԲ .

Կխաղաղվի՛ վերջապես  
Խոնջած աճյունը քո հար :-  
Դարձած մոխի՛ր կենսաբեր ,

Դարձած ավյո՛ւն , դարձած քար :-  
Անէացա՛ծ , սրբացած  
Կապրի ոգիի հմայող՝  
Դարձած ելնո՛ղ երգի ձայն –  
Եվ հարենի դարձած հող